


Cracoviensis Studior. Univ. Jagel.

Promotionis Philo. Ordinis

1693. 14 Martii.



*Joanna Jagell.*


*MusaanKavira Michaelis. Honor erudite acce flares-  
dens, novis florum primis adornatur.*



Biblioteka Jagiellońska



stdr0004530





H O N O R  
ERVDITO VERE FLORESCENS.

Novis florum primitijs  
A D O R N A T V S.

Laureatæ Virtuti,  
VII. VV. DD. Primæ Laureæ Candidatorū

<sup>D U M</sup>  
In Alma Vniversitate Cracoviensi,

<sup>P E R</sup>  
*Clarissimum & Admodum Reuerendum Dominum,*

D. M. BENEDICTVM  
KAWALCZEWSKI,

Philosophiæ Doctorem, & Professore, Col-  
legam Minorem, SS. OMNIVM Crac. Canonicum.

<sup>I N</sup>  
*Magna Illustrum Hospitum & Academici Senatus Corona*  
Artium & Philosophiæ Baccalaurei,

RITV SOLENNI  
RENVNTIARENTVR.

Amoris & Gratulationis ergò,

<sup>A</sup>  
MICHAELE KVCZANKOWICZ Leopoli

*Eiusdem Laureæ Candidato.*

Panegyrico Applausu

DEDICATVS.

*Anno Domini 1693. Die 14. Martij.*

CRACOVIAE Typis Nicolai Alexandri Schedel S.R.M. Ord: Typ:



In Stemma  
INCLYTÆ VRBIS LEOPOLIENSIS.



Difficilis virtutis apex, per maxima tantum  
Quæritur: en fortis monstrat id ipse LEO:  
Montibus excelsis radians Aurora resulget  
Nam clarum summâ nomen in auge nitet:  
Viribus ergo potens Atlas LEO, lumen amicum  
Auroræ gestet: qui juga trina tenet.







NOBILIBVS,  
CLARISSIMIS SPECTABILIBVS

&

Consultissimis Viris ac Dominis,  
D. PROCONSULI  
CONSULIBUS.

Totiꝫ Inclyto Leopoliensi  
SENATV I.  
RVSSIAE METROPOLEOS  
Dominis & Patronis Amplissimis.



*I*n splendido & pretioso Collum Vestrorum Terni-  
one, prima sibi erudito Vere florens Honor, au-  
spicatur initia. Nobiles, Clarissimi, & Spectabi-  
les Domini. Reperit, in Vestri Nominis magnitu-  
dine amulā Trino vertici sublimitatem, eumꝫ nouo,  
semper virtutum, honorumꝫ Vere floreat; etiam Palladij Ho-  
nor noster vernans primitijs, in Vestris Montibus, equum sibi du-  
xit revirescere. Quippe humi serpere nescius Honor, alta, sem-  
per



per ambit fastigia, ut tantò conspectior emineat, quantò, magis  
ingentibus ausis, & architecto honore paratus est. & vel ideo,  
reuirescens primo Vere Honor, Montium Vestrorum petit apicem,  
ex quo sola Calotenus prouecta, gloria Virtutumq; Vestrarum, pro-  
minent ornamenta. nec spe frustratur, in eo singulariter se posse  
eminere, si in Leoninis Montibus augusto Honori Vestro, voueatur.  
Neq; verò ad prouectius, tot honorum, gestorumq; magnitudine  
culmen, inaccessum abhorret cacumen, exigua vernantis ingenij fa-  
cultas; certò autumans ad Leoburgi iuga, aduentanti Honori, fa-  
cilem patere aditum, utpote quem inquilinum, explicato comple-  
xi pectore, maximo Vestri Nominis auxilium incremento. Nec ca-  
sum ab eminentiori, sibi pollicetur apice; quemcunq; equidem re-  
clinem hic Ternio excipit, ut remotiorem à casu, ita gloriæ facit  
propiorem. Quinimo numerosius, autumat sibi augmentum, v-  
bi in tergemino apice, ferax Erudita Flora succrescit messis. Tri-  
plex hic in Polonia eminet campo, quippe semel, non licet esse illu-  
strem, multiplex cacumen, & decus geminat & splendorem: Sci-  
licet illustre hoc fastigium, fulgentis Orbe toto fama, auroram  
pratendens, Aquila Polona gloriam & presidium, Oithomanicæ  
potentiæ obicem formidandum, ipsis triumphis Theatrum expli-  
cat, serenum quidem Orbi Polono, sed Bisantinæ Cynthia occasum  
portendit. Ad hanc nempe fortunatiore scillam, Barbara vix non  
semper, allisa vires; in hoc prouectiori Colle, vix vlla fuit Bellona  
procella, in qua tumultum sibi non senserit Oriens; Hoc fetidiori  
magnete, toties iam de manibus hostium exortum ferrum est. Ni-  
mirum, non semel tumescebat ingruentium periculorum altum,  
sed altior semper prominuit animi Vestri magnitudo, rapidus cla-  
dium crescebat vortex, sed stabile semper Vestrum consilium ade-  
rat, serpebat toties fera casuum immanitas, sed constantior in  
Generoso Vestrum pectore viguit probitas, ad extremum meus,  
cladesq; undequaq; imminebant; Vos id totum unanimi viri-  
um Vestrarum concordia felicissimè represistis. Pullulabant  
toties, contra nostri exitium Ucrainensis Hydra capita, Vos  
Herculeis viribus, toties eadem pracidistis. Nihil proprius  
fuit, ut districtis proprijs viribus, prada Hostium fieremus,  
nisi



nisi pro aureo Vellere Libertatis Polonæ, non pervigil Draco,  
sed Vester LEO excubasset. Hinc non immerito belli pacisq;  
decoribus prouecto, Trino fastigio, suos etiam vernans Honor ad-  
dit flores, in quo cœu in nouo Olympo, immarcescibiles semper Le-  
chicæ succrenuere laurea. Nec sanè ab hoc Dys sacro Cacu-  
mine, erudita etiam exulat Minerva, quinimo sublimitati assue-  
ta, pro Helicone, Vestri cōscendere audet Ternionem. Repetant  
iam hic ut placeat pēsiles Semiramidis Hortos fabula, repetant ficti-  
cios quos inibi plantauerant flores, pascant ingenia & obitutus, ve-  
riores hodie Pensiles Hortos, in Montium Vestrorum maiestate,  
vernans effecit Honor. Cultricem Horti Auroram, vana non ef-  
fingant commenta, Illustriorem, vel in Praside Collis sidere, docti-  
or hac nacta est arca. Hac quippe magistra, felicius vittrices  
Lechie pullularunt palma, Hosti Cupressus, quia perniciēs: Hoc  
diei Praside lumine, Triumphorum Soles Patria, noctes Cladium,  
vel ipse Oriens coactus est numerare. Hac radiante ad extremū  
serenius luce, non semel ingruentes Saporouenses tenebriones cla-  
dis tenebras subtere. Non inuideo iam hic, vigiles, suo pro Ca-  
sare curas Palatio, fortunatiores, hac vernans Pallas, in Genti-  
litio Vestro LEONE, suspexit excubias, Hoc certè vigiliās agē-  
te, ne in Hostiles rapiaremur manubias effectum est. Quippe  
hic excubans Vester LEO, triplex premit Montium iugum, quō  
noua Gigantum revocaturus praelia, Bisthoniā stygem montibus  
obruat fortunatiores: subsistit elatior, ut vel ab ipso situ, documē-  
tum Lechicus Orbis capiat se Moschouiticos Tauros, Canesq; in-  
sequi Orientis, simulq; in Patria velociores usus. utpote Quonec  
Athalanta promptior, nec Hippomenes celerior. Enimvero ad  
hanc gloria Vestra meridiem, erudito Vere succrescens honor, a-  
stum minimè reformidat, quem etiam in auge splendorum Vestro-  
rum, matutinā temperie, aut nativā Vestra fouet aurora, aut in-  
fluxum indulget gratiosum. Hoc igitur, & exultam, & proue-  
ctam, Nominis Vestri splendore vernantis Honoris Floram, ad Mo-  
tium Vestrorum radicem deuenire patiamini. Fastigium ausi  
decoris, quod fama in publicum prouexit, aut etiam Vestro fede-  
rata Nomini magnitudo, non attingit, quippe excessit decus, &  
omne



omne incrementum: pronā igitur supplet veneratione, quidquid su-  
 blimiores conatus destituit, in demisso subsistit, ut vel sub umbra,  
 Montium Vestrorum Tutelari, securius existat; cultu proniori ex-  
 plet in imo, quidquid pro dignitate ambire requirit in sublimi.  
 Vos verò Nobiles, Clarissimi, & Spectabiles Domini, Vestro  
 Nomini procumbenti vernantiori Honori, aut Gentilitium do-  
 nate fastigium, & eminentior Vestro comparebit Nomini, aut  
 praesidem collum submitte auroram, & nativis illius ornatio-  
 fulgoribus, semper Vestro Nomini excreset in lauream. Quam  
 ego, virenti semper gratia Vestra, ad triumphalem Vestrum  
 repono Ternionem, vouendo Vobis, vel ab his floribus Ver im-  
 mortalis gloria aeternum.

Nobilium, Clarissimarum, ac Spectabilium  
 Dominationum Vestrarum,

Deditissimus Client.

MICHAEL KVCZANKOWICZ Leopoldi

Ejusdem Laureæ Candidatus.





# D. JOANNI CANTIO,

Regni Poloniæ, & Almæ Vniversitatis Crac:

## TUTELARI

*In Argumentum Deuotissimi cultus*

Lilium innocentie.

CUM LEMMAT

Mihi pretium candor.



Emma terrarum, faciem, niuoso  
Dum suam pratis reuehit, cubili  
Flora, iam vernans Zephyri quadrigis  
Regna pererrat.

Fertilis tellus subito virenti  
Fluctuat culmo: spatiosa laudis  
Crescit vbertas: decorisq; pingunt

Arua colores,

Gemmat exculto Peripatus horto,  
Hinc virent docti revirentq; flores,  
Et tument cellæ studio Sophorum

Nectare lauri

Dives, ast vernis folijs arena hæc  
Non rudes crescit, renitens ad vsus,  
Hic viret quidquid, Tua vota poscit

Cedit honori

A

Dive



Dive Cælestis Superum vireti  
Lilium candens, Pater Alme CANTI  
Quippe quod Pæstum sapit omne cura  
Id Tua poscit,

Tu sacri nobis Zephyrus favoris,  
Phosphorus soles bene gratiarum  
Invehens terris: Tibi docta Mater  
Lilia sacrat.

Iam Polo semper radians lutosæ  
Dona telluris renuis: Tibi amplum  
Candor illæsus pretium: tributa.

Candida sume.  
Hoc enim donum tribui Patrono  
Tam sacro debet: nive liliorum  
Nam quod effulget, caput eruditum

Vitta coronat.  
Inde nos pacis redimita lertis  
Seclâ spondemus: nitidosq; soles.  
Candido, cum Te, glomerata stipent  
Lilia vallo.

Clarissimis, Excellentissimis, & Admodum Reverendis Dñ's.  
**D.D. EXAMINATORIBVS.**

Clarissimo & Admodum Reverendo Domino.  
**D.M. ANDREÆ WAWRZYNKOWIC.**  
Philosophiæ Doctori, Collegæ Majori, Regio  
& Cursûs Vladislaviani Prof. ac interea Philosop. Facultatis.  
**D E C A N O.**

Clarissimo & Admodum Reverendo Domino.  
**D.M. CHRISTOPHORO**  
**K R Z Y K A W S K I.**  
Collegæ Majori, Regio Professori, Sâdecensi  
Cancellario, Ecclesiæ Coleg. S. ANNÆ Canonico.



*Clarissimo & Admodum Reverendo Domino:*

D. M. ALBERTO IODŁOWSKI.  
Philosophiæ Doctore & Professore, Collegæ  
Minori, Canonico SS. Omnium, Curato Dziecanovienfi.

*In argumentum debite gratitudinis & venerationis.*

Flos Amaranthus, diuturno tempore virescens.

C V M L E M M A T E.

Languescere inscius unquam.

**E** Xcelsa rerum athenarum, maximo

Honore, subsunt viribus anxij

Laboriose plena cura

Semita, ducit ad alta Pindi.

Amara gustet, dulcia tangere

Felix reposcit qui thymiamata

Angusta terrarum triumphat,

Cui solidi sapiunt labores.

Venit triumphus semper adorea

Voto repertus, quem satis improbus

Prævit, anxius laborum

Vota ferens cuneus minister.

Semper virescit, dulcis amabili

Procreta laurus, maxima radio

Injuriosos calcas æstus,

Et rigidas Aquilonis auras.

Illustre Vobis nomen ab aureo

Laborè venit: qui sapientia

Præclara scrutari. Togata.

Omne decus meruistis: inde

Sudata Virtus quam valuit Tua

WAWRZYŃKOWIC, quæ dulce decus Tibi

Nomenq, Doctorum perenne

Alma dedit meritis honores.

Alte recondit visceribus Parens

Natura quidquid. Tu satis explicas,

Hinc purpuratus jam capeßis

Magna Tuae documenta fama.

Nunquam filebit Musa negotium



Bialense felix quod regimen Tuum  
 Cum laude summa literarum  
 Auspicijs tenuit facundis.  
 Viuet, perennis laudis adorea  
 Semper virescens: quod Tibi symbolum  
 Insigne sponder, quando flores  
 Perpetuis amaranthus hortis.  
 Portendat altum, syderis aurej  
 Celum: minaces ac dubios satis  
 Casus, resoluis, Tu KRZYKAWSKI  
 Mente Tuâ facilis, stupendâ.  
 Si Rostra iactent eloquij viros  
 Plaususq; tundant ora per omnium  
 Et Tu Pericles gloriosus  
 Ore tonâs meliore suadâ.  
 Tu literatos Palladis edoces  
 Magnis labores, vincere passibus,  
 Pulcher trahit quem laudis actus,  
 Cuiq; placet sapiens Mathesis.  
 Non parua surgit, portio glorie  
 Tue IODŁOWSKI, Iustinianum  
 Nam Consus in Te dogma cernens  
 Ecce novos Tibi fert honores.  
 In Te relucet, vis sapientie  
 Themisq; poscit Te Canonum Sacra  
 Interpretem, dum clarus omne  
 Ingenio superas sagaci  
 Diuina, sacra, rostra scientie  
 Testantur in Te nectar eburneum  
 Quod per Cathedras dum refundis  
 Vius sacis memorandus auro.  
 Ergo virentem sumite flosculum  
 Non cuius unquam languet ab invido  
 Austro vigor: Sed vernat ipsis  
 In medijs Borea procellis,  
 Corona Vestri Nominis inclyti  
 Semper virescens, est vegetus labor  
 Designet inuictum proinde  
 Ipse rubens amaranthus ostro.  
 Coram dedistis mentibus optimis  
 Florere lauro nostrâq; tempora  
 Fecistis, ipsi sic virentes,  
 Purpureas legitote palmas.



# H O N O R

## ERVEDITO VERE FLORESCENS.

I. V. D. STANISLAO WOSINSKI Crac.

Flos Corona Imperialis dictus.

CVM LEMMATE.

Sertum ipsa mihi viresco.

**M** Vlas amantis, delictum Craci  
Et eruditæ pignus adorea  
Præstans WOSINSKI quam stupendo  
Plectra Tuo resonant cothurno  
Apex honoris non alius Tibi,  
Adhæsit vnquam. Teq; volubilis  
Non aura fortunæ, perennem  
Nomine conspicuo probavit.  
Innatus at Te, candor ad optima  
Deduxit, amplis sumpta Parentibus.  
Origo, Te stridente pennâ  
Cum Volucris Cracidos Togato  
Donavit Orbi, dat Pater arduos  
Cursus honorum, clarus & inclytæ  
Amor Parentis, ac Senatûs  
Grande decus, columen Galeni.  
Quidquid profusæ luada venustior  
Complexa laudis, vel sapientia  
Quidquid decorum fert, sagaci  
Hoc animo genioq; prestat.  
Ergo coronam iam sapientiæ  
Capesse felix, sic dabis inclytus  
Victoriæ festos triumphos,  
Palladios decorando flores.

II. V. D. IOANNI GLVCHOWSKI Crac.

Hyacinthus cælestem in se colorem referens.

CVM LEMMATE.

Mihi decus surgit ab alto.

B

Can.



**C** Andidi magnum decus, & corona  
Ingeni, semper petit innocentes  
Fortium dextras: Hyacinthus ornat  
Pectora sacra.

Diva virtutis decorisq; Musa,  
Haud solet crudas redimere frontes,  
Laureis doctis: quibus eruditos

Fert Hyacinthos.

Hoc Tibi debet studijs amica  
Innocens Pallas, genium probatum  
Dum Tuum uidit, beat ecce florum

Laudis honore.

Te GŁĘCHOWSKI: quem sapidus laborum  
Gustus, enixo studia refecit,  
Et fouent magno, pretij decore

Munera Phœbi

Auget hos in Te, probitatis usus  
Cynthys fidus triplicis corrufcum,  
Luce BAŁICKI radians Togatâ

Vertice Pindi.

A Tuo, blandum fluit ore nectar  
Lila, & pulchras loqueris beatus  
Dum rosas, ergo pretium Minerue

Carpe Hyacinthos.

V. V. D. IOANNI MARCINKOWSKI.  
Heliotropium solem subsequens.

C V M L E M M A T E.

Sublimia sequor.

**A**lta ferri culmina gloria  
Per vasta rerum rædia maximo  
Labore, concessum iuuentæ,  
Et meritis iter edomandum,

Cælo dicatas Herculeus labor,

Non ante palmas, promeruit: graue

Donec laborasset per ævum

Monstra stygis duodena tollens;

O quàm beatus, quem vegetus vocat

Virtutis ardor: cui sapientia

Præluces, ad laurus honorum

Quem genius generosus ornat.

Krupee



Krupeccius Te, Confus in omnibus  
 Vir laudis omnes exsuperans modos,  
 Ad summa dirigit laborum,  
 Quos superas meliore passu,  
 Nodos resolvis, quos Sophus implicat  
 Ab ore dulci Tullius emines,  
 Sic sole Nominis refulgens,  
 Tu comitaberis omne lumen.

V. V. D. ANDRÆ CZUPLINSKI.  
 Rosa munita spinis.

C V M L E M M A T E.

In asperitate nitore.

**Q**uis Pegasus culmina cogitat,  
 Phabeosq; lares Cecropius domas,  
 Non parvis opus est saepe laboribus  
 Currat per juga Caucas.

Vix unquam vacuis conspicuus Denis  
 Pulcher laudis honos, sed manibus sacris  
 Hic splendor renitet; laurea nominis.

Crescit parva laboribus.

CZUPLINSKI celebris non alius Tibi,  
 Ad summum gradus est, quam rigidus labor  
 Et docto residens pectore gratia,

Fulgens per Cathedras Sophum.

Mentem nempe Tuam, nobilis ingeni  
 Circumdat series; non modo passibus  
 Augustis, animo sed pius erigis,

Quidquid Stoa habet inclitum,

Spinarum rabies, non Tibi roscidos  
 Flores detinuit: sed rosa laureis  
 Est innexa Tuis, que decorat Tuo

Frontis culmen eburneo.

VI. V. D. MICHAELI KOCHYNSKI  
 Caryophyllum diversis coloribus adornatū.

C V M L E M M A T E.

In quosq; viresco.

B 2

Palla.



**P**allade censei dignus quicunq; peroptat  
 Doctas prendere laureas  
 Hic sudare prius frontem ni rite laborum  
 Discat: spes alet irritas  
 Non caryophyllo veniet depicta colore  
 Pulchro purpura: quin prius  
 Culta labore suo sit tellus, fusa molestis  
 Cingunt tempora laureæ.  
 Sollicitis quærens Studijs Tu digna KOCHYNSKI  
 Virtutis cape præmia.  
 Calcasti spinis, iter acribus, vndiq; durum  
 Curas difficiles agens,  
 Per prærupta viam felix tardantia cursum  
 Explesti, bene par Tibi,  
 Ergò Tuam meritò gestas iam fronte coronam,  
 Quam virtus meruit proba.  
 Spes, dabis invictus magnas, tu forte Stagyræ  
 Adsit si patiens labor.  
 Vt Caryophyllo varius color est. honor omnis  
 Te semper comitabitur.

VII. V. D. MATTHIÆ PAWOŁOWICZ.

Heliocryfos ad solem sua diducens folia

C V M L E M M A T E

Lumine Cresco.

**S**plendores solis, tenebris ambire, serenos  
 Contendit. quisquis nitida virtutis honores  
 Post umbrosa locat: nimirum sola latenti  
 Viscere, fert pretium tellus, solmug, marina  
 Gurgite circumdat gemmas, ventosa potestas.  
 Virtutum sed grande decus; latebrosa recusat  
 Antra. nec ingentes animi tenuere remoti  
 Claustra loci. rutilo virtus nam lumine crescit.  
 Sed Tibi PAWOŁOWICZ quod conuenientius addi  
 Vestigal potuit? nam Te Lucina serena  
 In teneris comitent lucis monstravit amenum.  
 Vix Te ferre viram capis maturior ætas  
 Nil nisi maturum genio, vitæq; reuoluus,  
 Virtutum radijs clarus. sed lumina docum  
 Et maiora feras. animo passuq; calenti  
 Ad Craciam properas Musam; sub lumine tanto

Nil



*Nil non luce geris dignum, ex hinc plurima laudum  
Ornamenta tentes. oris linguaq; voluptas,  
Depluit in Cathedras, mentis fulgore sagaci  
Nubila depellis Logica caliginis atra.  
Hac igitur decorat flora, te rice Minerva  
Nam tibi non modico virtus cum lumine crescit.*

III. V. D. MICHAELI KVCZANKOWICZ.  
Primæ Laureæ Candidato Authori Operis.

STANISLAVS WOSINSKI  
Eiusdem Laureæ Candidatæ in vim fraterni affectûs offert.

*Thymum.*

CVM LEMMATE

Surgunt hic mellea dona.

**T** Hymi fragrantis, proflue portio,  
Hic Hybla sudet nectare gloriæ  
Sat dulcis, hinc sumat Camenæ  
Qui varias peragrauit herbas.

Pendant Hymetto Pegasides sacrae,

Plenis fluentis, elogium Tui

KVCZANKOWICZ, dulcioribus Te

Ambrosijs animo refundant.

Dulcis fuisti cœu apis Attica,

Dilecta Musis cum viridaria,

Floresq; carpendo suaues

Dulce Decus Cytharæ tulisti,

Auget Coronam flos Tibi deditus

Thymo hunc adorna, sic pretium feres

Hic laureæ decor Togatæ

Cum Tibi mellea dona surgent.

III. V. D. MICHAELI KVCZANKOWICZ.

Primæ Laureæ Candidato Authori Operis.

*In vim mutui affectûs & gratulatorij applausûs offert*

IOANNES GLVCHOWSKI

Eiusdem Laureæ Candidatus.

*Eximiam Narcissi floris Venustatem.*

CVM LEMMATE

Pretium omne facundia vincit.



**N**on est celsior eloqui  
Nec majus pretium quoq;  
Tolli, quam super aureas  
Gazas, Regnaq; & Indiae

Amnes, Vincere gemmeos

Auri nam cumulos graues,

Longè vicit Isocrates.

Vernat flos cui dulcior

Fandi gratia; nec quoq;

Censeri pretio pari, ac

Aequo vis potuit Tui

Victrix suada potentior.

Musis chare KVCZANKOWICZ

Suavis si Tibi nectaris

Hæc dulcedo sapit Latî;

Si præstò est animus tibi

Doctas vincere celsius

Mentes, suada tibi fauet

Mustis Cecropijs fluens.

Pulchras ingenii tui

Dotes, hæc pretiosior

Auro, gloria prouehet.

Si regnet Cathedralibus

Sellis eloquium tuum,

Dulci Nestore dulcius.

Narcisus tibi candidus

Quod spondet niue purior

Elos, vt candida sæcula,

Cum cætu Charitum tuus,

Viuat, candor eburneus.



*Permiffu Magnifici Perilluftris & Admodum Reuerendi Dñi*

**RECTORIS.**







